



Hjálparsveitin

DALBJÖRG

Útg. og ábm.: Hjálparsveitin Dalbjörg - 1. tbl. 3. árg. Desember 2003



MUNIÐ FLUGELDANA OKKAR!



VETRARDEKK

Í MIKLU ÚRVALI - NEGLD OG ÓNEGLD

MARANGONI
dekk

Firestone

MICHELIN
DEKK

NORÐDEKK

BRIDGESTONE
LOFTBÓLUDEKK

GOODYEAR

Bylting í
jafnvægis-
stillingu



HUNTER
veghermir

Mælir og velur saman dekk og felgu
og fær bestu útkomu

ASPENT

OG ÚRVAL AF JEPPADEKKJUM
Á FRÁBÆRU VERÐI



DRAUPNISCÖTU 5 • SÍMI 462 3002


olis
Smurstöð

Felgu-
réttingarvél

MAK
álfelgur



Míkróskurður:
meira grip • meiri mýkt • meiri ending



Bústólpi

óskar viðskiptavinum sínum
gleðilegrar jólahátíðar
með þökk fyrir viðskiptin á líðandi ári.



Bústólpi

FÓÐUR OG ÁBURÐUR



Leiðarinn

Ágæti lesandi.

Hjálparsvéitin Dalbjörg varð 20 ára á þessu ári, sem er ekki hár aldur miðað við margar aðrar hjálparsvéitir. Hjálparsvéitin, sem var stofnuð af megninu til af nokkrum bændum í Eyjafjarðarsveit, hefur vaxið gríðarlega síðustu 5 ár. Átak sem byrjaði með því að hjálparsvéitin fór að kynna starfsemi sína í Hrafnagilsskóla, hefur skilað inn mörgu mjög hæfu og öflugum fólki. Þar sem björgunarfólkinu fjölgaði var tækifæri og þörf til að auka búnað og tæki sveitarinnar. Nú er metnaðurinn það mikill hjá félögum Dalbjargar að sveitin er farin að leita uppi verkefni og námskeið eftir fremsta megni. Síðastliðið ár er eitt það viðburðaríkasta í sögu sveitarinnar, verkefni sem sveitin hefur tekið þátt í eru ótal mörg og fjölbreytt og myndu margar stærri hjálparsvéitir vera stoltar að geta státað sig af öðru eins.

Það sem menn eru að gera í hjálparsvéit er að byggja upp, æfa sig og undirbúa, en aðalatriðið er að hafa gaman af því að ferðast og vera úti. Ferðirnar sem við förum í er besta æfingin og undirbúningurinn sem við getum fengið. Skipulagðar hjálparsvéitar ferðir, stórar sem litlar, voru á annan tug á árinu. Innan raða Dalbjargar eru menn sem hafa ótal sinnum farið á hálendið upp af Eyjafirði og eru þar gjörkunnugir, enda er það eitt af því sem mestu skiptir við leit og björgun að

þekkja sitt svæði. Mikilvægi hjálparsvéitarinnar er ekki bara fyrir íbúa Eyjafjarðarsveitar heldur allt Norðurland og miðhálandið, enda sinni hún samtals 11 útköllum á árinu, í Eyjafirði, á Norðurlandi og miðhálandinu.

Öll vinna í hjálparsvéitinni er unnin í sjálfböðavinnu, hvort sem það er fjáraflanir, útköll eða viðhald á tækjum og búnaði. Við höfum fulla trú á því að fólk vilji hafa hjálparsvéitir til taks þegar eitthvað bjátar á. Á móti óskum við aðeins eftir því að fólk styrki gott málefni með því að kaupa flugeldana af okkur. Það skiptir máli fyrir okkur hvar þeir eru keyptir.

Að lokum viljum við þakka öllum þeim sem hafa stutt við bakið á okkur á undanförunum árum.

Gleðilegt ár!

*Pétur R. Tryggvason,
ritstjóri og ritari Dalbjargar*



*Oft er erfitt að finna réttu slóðina heim
...hafið GPS með í för*

*Haftækni
...öryggi í óbyggðum*



Björgunarleikar 2003

Björgunarleikarnir voru haldnir í Hafnarfirði þetta árið en þetta er í annað skiptið sem þessi frábæra æfing og keppni fyrir björgunarsveitarfólk er haldin.

Auðvitað var ákveðið að fara og vera með, var það okkar aðalmarkmið í þessari keppni að hafa gaman af og reyna læra eitthvað í leiðinni. Það var ekki laust við að við hefðum smá minnimáttarkennd út í stóru, flottu sveitirnar þegar við renndum á okkar gamla Econoliner í Hafnarfjörðinn. Hinar 11 björgunarsveitirnar sem tóku þátt höfðu ekki miklar áhyggjur af þessari einu landsbyggðarsveit sem var utan suðvesturhornisins. Fyrsta verkefnið lá fyrir okkur kl 07:00 um morguninn og því fylgdu sjö verkefni koll af kalli fram eftir degi. Voru þessi verkefni mjög vel útfærð og samín. Okkur gekk frábærlega að leysa þessi verkefni af hendi og alltaf var jafn gaman. Verkefni voru vítt og breytt um Hafnarfjörð, og á hverri stoppistöð var



Sjóbjörgunarsveit Dalbjargar...

okkur hrósað þar sem við vorum minnsta sveitin sem var með og eina sveitin utan af landi. Þegar umsjónarmaður í einu verkefninu sagði okkur að við hefðum verið langtum fljótastir að leysa þrautina, sáum við félagarnir að við værum bara að standa okkur með þrýði og stæðum hinum sveitunum ekki langt að baki. En við strákarnir sem förum; Heiðar, Pétur, Eišur, Bóas, Guðjón og Stefán, komum sjálfum okkur og öðrum á óvart.

Um kvöldið var haldin árshátíð Landsbjargar og voru úrslitin talin þar upp. Þegar Dalbjörg var lesin upp í þriðja sæti, vissum við félagarnir ekki hvert við ætluðum og einungis einu stigi á eftir öðru sæti. Þessi keppni var frábær viðurkenning fyrir okkur og sýnir okkur að við erum á réttu braut í þjálfun og fræðslu á okkar björgunarsveitarmönnum.

En við komum sáum og sigruðum okkur sjálfa og sáum hvar við erum staddir miðað við aðrar björgunarsveitir.

Við viljum þakka Björgunarsveitinni í Hafnarfirði fyrir vel heppnaða björgunarleika.

Stefán Elvar Garðarsson



Dalbjargarmenn leysa skyndihjálparverkefni.



skum N r l n n um
l l r l,
n ul r r m t
f r s l r k m n l

Rkum fr r v r
v n r r nustum st k k r

T y t kur yr, l s l v r k s t

T T
kur yr



úrsn 3 1 3 kur yr
S m 3 F x 3 1
st rh ll U y U s s - www. y . s s

Haustferð

Það var seinnipart föstudagsins 29. ágúst að fólk var byrjað að safnast saman á planinu í Leiru, tilbúið í að leggja af stað í haustferðina okkar. Það eina sem var ákveðið var að kíkja á vinnusvæðið við Kárahnjúka. Þegar allir voru mættir lögðum við af stað til Mývatnssveitar, en þar var stoppað og bæði tankar og magar nærðir.

Þaðan var keyrt sem leið lá austur til Möðrudals og þar tekið stutt stöpp í kaffi hjá Villa Venna. Stuttu austan Möðrudals var beygt inn á leiðina í Kverkfjöll og stefnan sett á Laugarvalladal en þar skyldi gísta. Ekið var inn með Mynnisfjallgarði en síðan beygt niður á Fiskidalsháls. Þaðan liggur leið inn Brúardali fram Meljaðrafjall, og á mótis við Hafra-

hvamma var keyrt niður í Laugarvalladal að eyðibýlinu Laugarvöllum. Þá var dagur að kveldi kominn, tjaldbúðir voru reistar og grillin kynt. Ekki má gleyma heita læknum sem rennur um bæjarhlaðið, en í hann var svo lagst til afslöppunar um kvöldið. Næsta morgun var enn skínandi sól og við héldum áleiðis að vinnusvæðinu við Kárahnjúka. Þar stoppuðum við á útsýnisstað þar sem sá vel yfir svæðið. Þarna bar margt fyrir augu og framkvæmdir risavaxnari en flestir geta gert sér grein fyrir. Svo lögðum við af stað á ný og keyrðum inn í Grágæsadal. Þaðan var svo haldið áfram niður Fagradal og Álftadal, ofan í svokallaðan Víkurdal, en þar er mjög skrítið landslag.

Við gatnamótin í Öskju var áð og enn lék veðrið við okkur. Áfram var haldið og ekið upp í gegnum Hvannalindir á leið okkar í Kverkfjöll, þar sem við ætluðum að skoða

íshellinn. Flestir létu sér nægja að ganga að hellinum, en einhverir lögðu það á sig að vaða yfir jökulána til að geta kíkt betur inn. Svo var lagt af stað vestur í DrekaGil og ókum við sem leið lá yfir Víkursandinn. Í Dreka passaði þá að fá sér kaffi og flestir gengu upp í hið magnaða Dreka-

gil. Þar reyndi einn úr hópnum að ganga á vatni en gekk ekki betur en svo að hann hvarf allur ofaní vatnið fyrir neðan fossinn, við mikinn fögnuð viðstaddra. Var nú farið að ræða um næsta náttstað og sitt var stungið upp á að tjalda á grænum grundum við Svartá sunnan Vaðöldu. Þegar þangað kom voru þó aðeins örfár grænar skellur upp úr sandinum og engan langaði að tjalda þar, svo haldið var áfram. Nú var

degi tekið að halla og þókan að læðast yfir okkur þannig að stoppað var við rætur Kistufells og gísta þar. Eftir að flestir voru búnir að borða yfir sig var sungið og trallað fram á nótt. Á sunnudagsmorgni rann hópurinn af stað vestur Dyngjuháls og Vörðuháls í áttina að Gæsavötnum. Þar var tekið stutt stöpp en síðan haldið í vesturátt, síðan ekið um Sprengisandsleið að Fjórðungsvatni og þaðan í Laugarfell. Þegar þangað kom fannst flestum þeir vera komnir heim, og þar var stoppað í mástund. Síðan var keyrt í Torfufell þar sem hópurinn kvaddist og hver hélt heim til sín. Læt ég hér þessari ferðalýsingu lokið með von um að einhver hafi gaman af.

Ingvar P. Ingólfsson



Heimsókn á virkjunarsvæðið við Kárahnjúka.



Á POLARIS ER RÉTTA LEIÐIN ÚT!

BRÆÐURNIR

ORMSSON

LÁGMÚLA 8 • SÍMI 530 2800



POLARIS®

UMBODIÐ LÁGMÚLA 9

Útköll árið 2003

Hjálparsveitin Dalbjörg aðstoðar franskan mann við Hrauntanga

Um hádegisbilið þann 8. mars fóru tveir menn frá Hjálparsveitinni Dalbjörgu fram í Eyjafjarðardal og aðstoðuðu þar franskan ferðamann. Maðurinn hafði komið á gönguskíðum niður dalinn, og misst aftaníbotu sína út í á. Hann gekk niður í Hólsgerði og var kominn þar seint um kvöldið. Daginn eftir fóru hjálparsveitarmennirnir með honum fram að Hrauntanga og aðstoðuðu hann við að koma þotunni heim.

Leit að vélsleðamönnum á Langjökli

Um klukkan 05:50 að morgni 10. mars var Hjálparsveitin Dalbjörg beðin um aðstoð við leitina að tveimur vélsleðamönnum sem týndir voru á Langjökli. Fimm meðlimir sveitarinnar lögðu af stað frá Bangsabúð um klukkan 07:00 og var ferðinni heitið til Hveravalla. Þar áttu þeir að fá úthlutað svæði til að leita á. Í leitina fóru þeir Elmar, Ingvar, Stefán, Pétur og Tómas á Toyota Land Cruiser (Dalbjörg 1) og með tvo vélsleða (Dalbjörg 4 og 5). Við leitina voru þá 236 leitarmenn, 38 björgunarsveitarjeppar, 10 snjóbílar og 76 vélsleðar. Einnig var þyrta Landhelgisgæslunnar send út milli 7:30-8 með leitarhund og þjálfara innanborðs. Björgunarsveitarmenn fundu svo vélsleðamennina tvo um klukkan 11:25 um morguninn heila á húfi, en kalda og blauta eftir næturvist á jöklinum. Það voru björgunarsveitarmenn á þremur vélsleðum sem fundu mennina við Fögruhlíð sem er skammt inn af Þjófadölum. Talið er að mennirnir, sem eru 34 og 45 ára, hafi snúið við og ætlað til Hveravalla aftur eftir að þeir áttuðu sig á því að þeir væru komnir í ógöngur á jöklinum deginum áður.

Dalbjörg leitar að mönnum við Urðarvötn

Um klukkan tvö aðfaranótt miðvikudagsins 13. mars var Hjálparsveitin Dalbjörg beðin um aðstoð við leit að tveimur ferðalangum. Ferðalangarnir, sem voru franskir, höfðu ætlað á skíðum suður yfir hálendið en lent í vonskuveðri og höfðu misst hluta af búnaði sínum. Þeir náðu að hafa samband við kunningja á Akureyri sem óskaði eftir aðstoð björgunarsveita. Í leitina fóru fimm menn frá Dalbjörgu á Dalbjörgu 1 og á tveimur sleðum (Dalbjörg 4 og 5). Dal-

bjargarmenn fóru upp Kerhólsöxl, en bilun kom upp í öðrum sleðanum, svo sleðamennirnir urðu að stoppa þar um tíma og gera við bilunina. Jeppinn komst þó strax upp, og hélt í átt að Landakoti. Tveir sleðamenn frá Björgunarsveitinni Súlum fundu Frakkana tvo 4 km suður af Berglandi, og fluttu þá í Bergland. Þangað kom jeppi Dalbjargar og flutti þá til byggða.

Fastir í krapa við Laugarfell

Hjálparsveitinni Dalbjörgu barst að kvöldi 30. mars beiðni um aðstoð frá fólki á tveimur jeppum sem höfðu sokkið í krapa 4 km austur af Laugarfelli. Jeppi Dalbjargar fór upp Kerhólsöxl í Sölvadal um klukkan 20 og var kominn á staðinn um klukkan 22:45. Ekkert amaði að fólkinu og tók það um tvo tíma að draga bílana upp með spili. Fólkinu var síðan fylgt niður í Eyjafjörð um Kerhólsöxl og var það komið til síns heima um klukkan 6 morguninn eftir.

Leit að 25 ára manni frá Blönduósi

Um klukkan 15:00 þann 13. maí lagði 11 manna hópur frá Dalbjörgu af stað til Húnavallaskóla, til að aðstoða við leitina að 25 ára karlmanni frá Blönduósi. Mannsins, sem hét Viktor Guðbjartsson hafði verið saknað í tvo daga.



Við Landakot, í útkalli vegna frakkanna...



Bestu óskir um
gleðileg jól
og farsælt nýtt ár


SJÓVÁ-ALMENNAR
Strandgötu 3 · 600 Akureyri
Sími 460 6464



STRAUMRÁS

Förub Hum 3 · kur yr

S ra . 1 2 2 · N tí n str um r s n 3 . s



Dalbjargarmenn gera sig klára til að ná jeppa upp úr Jöklu.

Dalbjörg fékk leitarsvæði rétt hjá Húnavallaskóla, ásamt Hjálparsveitinni á Dalvík, og átta sveitirnar að fínkempa svæðin. Þegar búið var að leita í rúmar 20 mínútur var leitinni hætt, því maðurinn fannst látinn.

Aðstoð í Eyjafjarðardal

Þeir Ingi, Atli og Raggi fóru fram í Eyjafjarðardal að morgni 16. júní og aðstoðuðu fólk við að draga upp jeppa sem keyrt hafði útaf og var hætt kominn vegna hliðarhalla. Fólkið hafði komið labbandi niður að bænum Hólsgerði um morguninn, og var þá lagt af stað og fólkið aðstoðað. Ferðin gekk mjög vel að sögn þeirra félaga, og tókst þeim að koma bílnum aftur á veginn.

Bilaðir bílar sóttir á hálandið

Dagana 2. og 4. ágúst voru alls þrjú bílar sóttir af hjálpar-sveitinni upp á hálandið.

Útkall Jöklu

Hjálparsveitinni Dalbjörgu barst tilkynning um aðstoð um 12 leytið þann 28. ágúst. Landvörður í Laugarfelli, skála Ferðafélags Akureyrar, óskaði eftir aðstoð hjálpar-sveitarinnar eftir að þýskir ferðalangar höfðu lent í háska við Ingólfskála norðan Hofsjökuls. Þýsku ferðalangarnir lögðu af stað á tveimur bílum frá Laugarfelli til Hveravalla um kl. 10 sama morgun, og voru að reyna að fara yfir Jökulsá Vestari. Komust þau út í miðja Jökulsána áður en annar

bíllinn stöðvaðist hálfur á kafi. Farþegarnir sem voru þar með ungt barn komust upp á topp bílsins og í bát sem þau höfðu meðferðis og þaðan í land. Samferðafólk þeirra fór strax að ná í hjálp í Laugarfelli en fólkið dvaldi við ágætis aðstæður í Ingólfskála. Þegar Hjálparsveitin Dalbjörg kom á staðinn um fjögurleytið sá bara í topp bílsins. Tók það um 3 tíma að koma bílnum, sem var af Land Rover gerð, upp úr Jökulsánni.

Að sögn Ingvars Ingólfssonar, eins leiðangursmanna, var fólkið stálheppið að komast heilu á höldnu upp úr ánni, en hún var ófær öllum bílum.

Grafa spiluð upp úr festu

Laugardaginn 20. september var óskað eftir mönnum frá hjálpar-sveitinni til að aðstoða verktaka sem hafði fest mini-gröfu sína. Menn fóru á bíl sveitarinnar og voru snöggir að ná gröfunni upp.

Heybruni í Eyjafjarsveit.

Hjálparsveitin fékk ósk um aðstoð seinnipart þriðjudegsins 16. desember vegna heybruna. Ábúandi óttaðist að hús kynnu að vera í hættu ef að hvesti. Unnu samtals um 13 hjálpar-sveitarmenn ásamt ábúendum á Akri við að slökkva eld í heystæðu sem í hafði orðið sjálfkveikja. Voru menn í tvo daga með traktorsgröfu, dráttarvélar og skurðgröfu að rífa stabbann niður, en á meðan var dælt um 600-700 tonnum af vatni yfir heyið.



Bestu óskir um
gleðileg jól
og farsælt nýtt ár



ÍSLANDBANKI
AKUREYRI



gleðilega hátíð

farsælt komandi ár

þókkum fráberar viðtökur við verslaninni og viðskiptin á árinu sem er að líða

Sími 462 5757
Fax 462 5112
verslun@still.is
Óseyri 2 - 603 Akureyri
Opil mán. - fös. kl. 10-18



Flugeldamarkaður



Flugeldasala Dalbjargar

Eins og í fyrra verðum við í Hrafnagilsskóla og þar eru næg bílastæði!

Opnunartíminn:

27. desember frá kl. 18:00 – 22:00

28.–30. desember frá kl. 13:00 – 22:00

Gamlársdag frá kl. 10:00–16:00

6. janúar (prettándinn), í Bangsabúð við Steinhóla, frá kl. 10.00–16.00

Fyrir þá sem vilja verðum við með posa á staðnum.

*Haldið áfram
að styrkja öfluga Hjálparsveit í heimabyggð!*

Jón Sprettur

Viðjulundi 2

Sími 4 6 1 1 8 7 7



björgunarsveitanna



Vífelfell

Furuvöllum 18 • Sími 462 1444



Landsæfing björgunarsveita 2003

Landsæfing björgunarsveita er haldin annað hvert ár á vegum Slysavarnafélagsins Landsbjargar. Æfingin er haldin víðsvegar um landið í samvinnu við heimamenn í hverjum landshluta hverju sinni. Á þessu ári var hún haldin laugardaginn 29. mars í Eyjafirði, undir stjórn fulltrúa flestra björgunarsveita á svæði 11, starfsmanna samtakanna og kafara af svæði 12. Undirbúningur að æfingunni stóð yfir í rúmt ár og útbúin voru um 70 verkefni víða um Eyjafjörðinn, sem um 330 björgunarsveitamenn víðsvegar af landinu komu til að leysa. Björgunarfólkið var ræst um kl: 06:00 á laugardagsmorgni og þau látin hafa verkefni til úrlausnar. Hóparnir fengu nýtt verkefni um leið og þeir voru búinir að leysa það fyrsta, og gekk það koll af kalli fram eftir degi.

Að lokinni æfingu safnaðist allt fólkið saman í Súluhúsinu á Akureyri og borðaður var glæsilegur matur áður en menn lögðu af stað til sinna heima. Alls unnu um 170 manns að uppsetningu og framkvæmd æfingarinnar, þar af var Dalbjörg með 28 félagi.

Fyrir hönd Dalbjargar viljum við þakka landeigendum sem leyfðu okkur að þvælast um landareignir sínar meðan á æfingunni stóð.

Elmar Sigurgeirsson



Verkefni á landsæfingu í mars sl.



Stærsta fjáröflun sveitarinnar í ár

Þann 13. september hófu félagar Dalbjargar vinnu við að girða meðfram nýjum vegi frá Litla - Hamri suður fyrir Akur, samtals 6 km. Unnið var allar helgar í 9 vikur og komu margir að verkinu á einn eða annan hátt. Um 5 - 12 manns voru að mæta hvern dag og lögðu að baki fleiri hundruð vinnustundir.

Hjálparsveitin vill nota tækifærið og þakka Birgit á Rútsstöðum og Lindu á Akri sérstaklega vel fyrir, en þær gáfu vinnuhópunum að borða allar helgarnar. Við viljum við einnig þakka Hlyni á Akri, en hann lagði sérstaklega mikinn tíma og vinnu í þetta verk, og lagði einnig til flest tækin sem notuð voru. Síðast en ekki síst viljum við þakka Guðmundi Hjálmarssyni fyrir velvild í garð hjálparsveitarinnar.



Jóni, Heiddi og Binni að girða.

GOÐI
-alltaf góður



Nýliðar

Nýliðun er mikilvægur þáttur í starfi hjálparseita. Að hafa breiðan og öflugan hóp er það sem allar hjálparseitir stefna að. Hjálparseitir taka inn nýliða á hverju ári og þurfa þeir að ganga í gegnum vissar þjálfunarferli. Dalbjörg hefur verið iðin síðustu ár að kynda undir áhuga hjá fólki fyrir hjálparseitarstörfum. Það hefur skilað sér mjög vel, því að á þessu ári gengu 12 manns í sveitina og hafa aldrei verið fleiri. Það eru þau Erna, Þórólfur, Brynjar, Hermann, Ágúst, Helga, Guðjón, Tómas Örn, Svanhildur, Elsa og Guðlaug. Ekki nóg með að nýliðun sé góð, heldur eru

gamli félagar farnir að koma á fullum krafti inn í sveitina aftur. Nýliðarnir eru byrjaðir að sækja þau námskeið sem ætlast er til að björgunarsveitarmenn taki. Ef að líkum lætur og þau verða dugleg að sækja námskeið verða þau orðnir fullgildir björgunarsveitarmenn eftir 2 ár.

Við hvetjum þá sem hafa áhuga á hjálparseitarstarfi, unga sem aldna, að mæta á næsta fund hjá okkur, en fundir eru haldnir fyrsta sunnudag hvers mánaðar klukkan 20:30 í Bangsabúð.

Pétur R. Tryggvason.

Verkefni

Þrátt fyrir mikil og stór verkefni sem hjálparseitin hefur tekist á við, haldast venjulegu verkefni okkar ennþá óbreytt.

Þorablót og skemmtanir

Á þorranum sá hjálparseitin um gæslu á þorablótinu í Hrafnagili, sem var eitt stærsta þorablót landsins, og í Sólgarði. Einnig sá sveitin um gæslu á Kabarettinum í Freyvangi í haust.

Útstunga

Eins og síðustu ár sáum við um að koma taðinu hjá Óla á Hóli út úr fjárhúsunum.

Íþróttavöllurinn á Hrafnagili

Lögð var lokahönd á íþróttavöllinn á Hrafnagili.

Glerártorg

Sveitin sá um gæslu á Glerártorgi vegna Bylgjulestarinnar í sumar, og mun einnig sjá um gæslu helgarnar og síðustu dagana fyrir jólin.

Þjóðhátíð

Sjö manna hópur frá hjálparseitinni fór til Vestmannaeyja, til að taka þátt í gæslu um verslunarmannahelgina.



Pétur klár í slaginn á Þjóðhátíðinni í Vestmannaeyjum...



Girðingarmaðurinn ógurlegi, Hlynur á Akri.

Önnur verkefni

Hjálparseitin flutti hey fyrir hestamenn uppí Laugarfell. Smíðaður var bensínkálfur og var farið með byrgðir af eldsneyti uppí Laugarfell í haust.

Fundir

Haldnir voru 12 almennir fundir á árinu, 5 stjórnarfundir og 4 sérstakir fundir auk aðalfundar. Þar fyrir utan fóru nokkrir félagar á fulltrúaráðsfund, formannafund og landsþing á vegum Slysavarnarfélags Landsbjargar. Einnig hafa Ingi og Njáll sótt nokkra fundi og námskeið á vegum svæðisstjórnar á svæði 11.




20 ára afmæli Dalbjargar

Laugardaginn 1. mars var haldið upp á 20 ára afmæli hjálparseitarinnar. Undirbúningur fyrir afmælið var búinn að vera nokkuð mikill. Meðal annars var húsnæðið í Bangsabúð þrifið allt hátt og lágt og einnig var málað talsvert mikið. Bílar og annar búnaður var einnig bónaður og þússað svo allt mætti líta sem best út á afmælinu.

Afmælisdagurinn rann upp með ágætis veðri. Um klukkan 14 hófst veislan í Bangsabúð og mættu þangað á þriðja hundrað manns. Elmar formaður hélt stutta ræðu um hjálparseitina og stofnun hennar, Bjarni Kristjánsson sveitarstjóri ávarpaði hópin og skráði sig í hjálparseitina og Jón Hermannsson færði okkur hamingjuóskir frá Slysavarnarfélaginu Landsbjörgu. Eftir ræðuhöldin var boðið upp á kaffi og meðlæti sem kvenfélagið Hjálpin og Bakaríð við brúna gáfu okkur.

Hjálparseitinni bárust margar góðar gjafir, svo sem tölva frá Lionsklúbbum Vitaðsgjafa, prentari frá björgunarsveitinni Súlum, GPS tæki frá Landsbjörgu, hleðsluborvél frá Byko, NMT farsíma frá Símanum, Íslandskort frá Landmælingum Íslands og sjónvarp frá Eyjafjarðarsveit. Einnig fengum við peningagjafir; 20.000 krónur frá Gunnari Jónssyni og Rósu Eggertsdóttur, 5.000 krónur frá Ingi-björgu Jónsdóttur frá Villingadal auk fjölda annarra gjafa. Viljum við færa öllum bestu þakkir fyrir þessar góðu gjafir. Um kvöldið héldu meðlimir sveitarinnar svo glæsilega flugeldasýningu við Bangsabúð sem fjöldi gesta mætti á.

Rósa Hreinsdóttir.



Þakkir til Ólafs Gíslasonar & Co hf., Eldvarnarmiðstöðinni Sundaborg 3, fyrir stuðninginn!

EIMSKIP





10. bekkur Hrafnagilsskóla með „bros allan hringinn“ eftir ferðina í Laugafell...!

Ferðin í Laugafell

Þann 4. apríl þessa árs bauð Hjálparveitin Dalbjörg okkur 10. bekk (Hrafnagilsskóla) í fjallaferð upp í Laugafell. Lagt var af stað eftir skóla og var ferðinni heitið í Bárðardalinn. Ferðin byrjaði ekki betur en svo að Guðjón og Víddi hjálparveitameðlimir gleymdu svefnpokunum sínum heima en Guðjón sótti sinn poka á leiðinni. Uppi á Víkurskarði byrjaði svo aðalfjörð, það er að segja óhöppin að eltu ferðalangana. Inga fannst Cruiserinn eitthvað skríttinn í akstri og stoppaði við útskot á veginum og fór að athuga dekkinn. Þá sá hann að það var kominn stærðarinnar bólgja á eitt dekkið og hvein þá í Inga: „Hvur andskotinn“. Þá var ákveðið að hringja eftir nýju dekki. Dekkið kom eftir einn og hálfan tíma, en á meðan biðu allir aðrir en Ingi og félagar í Fosshóli. Svo var haldið áfram inn Bárðadalinn þar sem hópurinn hittist svo á ný og við keyrðum þar til einir 3 km. voru í Laugafell. Þá fórum við yfir snjóþakinn læk og Knútur, sem fékk að slást í hópinn, pompaði ofan í. Eftir að mikið var búið að toga og moka af öllu afli tókst loks að losa hann og við gátum haldið áfram í Laugafell.

Þegar við komum í Laugafell fóru allir að koma sér fyrir og fengu sér hamborgara í boði Dalbjargar. Um miðnætti fóru svo þeir sem nenntu í laugina og skemmtu sér vel við að henda snjó í hvert annað. Síðan héldu krakkarnir og fullorðnir í hver í sinn skálann, nema Guðjón greyði sem var látinn sofa hjá krökkunum. Um tvö - leytið komu svo nokkrir hjálparveitar „dúddar“ yfir til okkar litlu „dúddana“. Sungið var svo glumdi í öllu og Guðjón spilaði undir á gítar. Eftir það fóru svo stóru „dúddarnir“ yfir aftur. Þórður, Víddi og Raggi fóru þó að sakna okkar og komu

aftur yfir og héldu fyrir okkur vöku eitthvað fram eftir. Um morguninn fóru allir á fætur og reyndu að vekja þá sem höfðu eitthvað sofnað en þau börðust hart fyrir svefnréttinum. Lagt var af stað heim um 9 leytið. Þá var ákveðið að fara aðeins lengra og fara uppá einhvern hól sem við fundum og bretta „dúddarnir“ (Binni og Haffi) renndu sér niður. Svo ákváðum við að fara í Laugafell og fá okkur hádegisnesti en á leiðinni komum við að ísilögðu vatni. Raggi reyndi fyrstur en stakkt á nefið og eins fór fyrir Vídda en svo kom Þórður og fann þessa fínu leið yfir og fylgdu allir á eftir. Ferðinni var svo heitið í Bergland og ætluðum við einnig aðkoma við á fleiri stöðum.

Á leiðinni lenti Þórður samt í smá ógöngum og keyrði fram að hengju. Enginn slasaðist alvarlega, bara smá bakhnykkir og augnapot, en Bronco gamli fékk ekki að koma heim þann daginn þar sem hann var ekki ökufær. Eftir þetta var ákveðið að halda bara rakleitt heim og tókum við stefnuna á Sölvadal. Þegar þangað var komið fórum við niður snarbratta og hála Kerhólsöxlina, en á miðri leið fórum við litlu dúddarnir út úr bílunum og gengum niður hlíðina. Þegar allir bílarnir voru komnir heilir niður var haldið í Bangsabúð. Þar skiptum við okkur aftur niður í bílana og vorum keyrð heim.

Þessari ferð munum við í 10. bekk aldrei gleyma og þökkum Hjálparveitinni Dalbjörgu hjartanlega fyrir að bjóða okkur með.

Þorbjörg Nielsdóttir, 10. bekk Hrafnagilsskóla



Sendum viðskiptavinum okkar óskir um heillaríkt nýtt ár með þökkum fyrir viðskiptin á árinu sem er að líða.

NETTÓ



Námskeið



Allt á fullu fyrir afmælið...



Dalbjörg 1 á fullri ferð...



Elmar Sigurgeirsson, formaður...



Hvernig virkar þetta???



Haldið heim af þjóðhátíð...



Sveitarstjórnin gekk til liðs við sveitina...



19. janúar, Rötun

Námskeiðið var haldið í Bangsabúð og leiðbeinandi var Ingvar Þróstur Ingólfsson, Dalbjörgu. Það var farið í gegnum notkun á áttavítum og lestur á kortum. Námskeiðið tók eina kvöldstund og á það mættu 15 manns.

29. janúar, GPS

Þetta kvöld var haldið námskeið í GPS-tækni fram í Bangsabúð. Smári Sigurðsson úr Björgunarsveitinni Súlum á Akureyri kom og kenndi okkur helstu atriði varðandi GPS-tæki. Námskeiðið tók eitt kvöld og það sóttu 18 manns.

8.-9. febrúar, Fjallamennska 1

Þessa helgi fóru 10 nýliðar frá Dalbjörgu á námskeið í fjallamennsku. Leiðbeinandi var Kjartan úr Hjálparsveit Skáta í Reykjavík. Fyrri dagurinn var á Dalvík, þar var gengið upp í fjallið fyrir ofan og kennd notkun á ísöxum og fleira í þeim dúr. Seinni daginn mættu menn í Munka-

þverárgilið og lærðu sig og klifur og skemmtu sér vel.

12. febrúar, Fyrsta Hjálp 1

Námskeiðið var haldið í Bangsabúð. Pétur R. Tryggvason Dalbjörgu var leiðbeinandi og kenndi mönnum rétt handtök í skyndihjálp. Fyrri hluti kvöldsins var bóklegur og seinna tóku við verklegar æfingar. Alls sóttu 18 manns námskeiðið.

15.-16. febrúar, Leitartækni

Þetta námskeið var einnig haldið fram í Bangsabúð. Leiðbeinendur voru Atli Markússon og Stefán Markússon úr Hjálparsveit Skáta Kópavogi. Þetta var tveggja daga námskeið í leitartækni, bæði bóklegt og verklegt. Fyrri dagurinn var að mestu bóklegur en sá seinni verklegur og var þá meðal annars farið í Gnúpufellsöxlinu og sett upp leit sem tókst með þrýði. Það voru 14 manns sem sóttu þetta námskeið.

Nýir sleðar

Hjálparsveitin samdi í lok nóvember um kaup á nýjum vélsleðum fyrir sveitina. Nýju sleðarnir koma til með að leysa af hólmi tvo eldri sleða sem sveitin hefur átt síðustu þrjú ár. Lögð var mikil vinna í að finna hentuga sleða fyrir okkar svæði. Niðurstaðan var að taka sleða frá Bræðrunum Ormsson, sem eru af gerðinni Polaris SwitchBack 600. Sleðarnir eru búnir 600 cc vél sem skilar 120 hestöflum og eru þeir aðeins um 220 kg þurrvigtaðir. Sleðarnir henta jafnt til langferða á hálandinu og ferða í þröngum dölum Eyjafjarðar. Þeir verða búnir staðsetningar- og fjarskiptatækjum auk annars staðlaðs björgunarbúnaðar s.s. ísexi, skóflu,



Annar af nýju sleðum Dalbjargar.

snjóflóðastangar og skyndihjálparbúnaðar. Við höfum þegar selt annan af eldri sleðunum, en hinn verður áfram til sölu.

Sleðaflokkur Dalbjargar hefur haft yfir að ráða tveimur sleðum og að öllum líkindum verður þeim þriðja bætt við í vetur. Nýju sleðarnir verða afhentir upp úr áramótum.

NÝR CASE JX

CASE á lægra verði en nokkru sinni fyrr.

CASE 0061 85 hó 404
verð aðeins kr. 2.690.000* án vsk.
ræð vsk. kr. 3.224.500

CASE 0095 98 hó 404
verð aðeins kr. 2.690.000* án vsk.
ræð vsk. kr. 3.249.000

*Verð til henda á byggingum.

CASE III

VÉLATORG vhf - nyr umboðaði CASE IH og STEYR dráttarvélir á Íslandi - Dalabraut 1E, Akureyri, sími 461 4007

Við þökkum eftirtöldum aðilum veittan stuðning



YGGING VE KT KI



Akureyri • Sími 460 3636
www.olis.is



NORÐURMJÓLK



RARIK

Óseyri 9 • Sími 528 9000



Flugeldamarkaður Dalbjargar

i Hrafnagilsskóla



Eins og í fyrra verðum við í Hrafnagilsskóla og þar eru næg bílastæði

Opnunartíminn
verður sem hér segir:
27. des.

kl. 18:00-22:00

28.-30. des.

kl. 13:00-22:00

Á gamlársmorgun

kl. 10:00-16:00

Fyrir þá sem vilja verður
þessi auðvitað á staðnum

ATH! Flugeldasala

6. jan. (þ réttánda)

verður í Bangsahúð v/Steinhóla

kl. 10:00-16:00



Haldið áfram að styrkja
öflugna hjálparsvéit
í heimabyggð

Hjálparsvéitin Dalbjörg
Eyjabjarðarsvéit